



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

**9 November 2020
23 Rabiulawal 1442H**

SENARAI AKHBAR	TAJUK
Utusan Malaysia	<ul style="list-style-type: none">• Nelayan Indonesia ceroboh perairan negara• Kerah kudrat siang ikan bilis
Berita Harian	•
Harian Metro	•
Kosmo !	<ul style="list-style-type: none">• 28 nelayan Indonesia diusir dari sempadan
Sinar Harian	•
The Star	•
New Straits Time	•
Nanyang Siang Pau	•
Malaysia Gazette	•
Harakah	•
Malaysia Dateline	•
Bernama	•
See Hua Daily News (Kuching)	•
Guan Ming Daily	•
Sin Chew Daily	•

JENIS AKHBAR							MUKA SURAT	TARIKH
UTUSAN MALAYSIA	✓	KOSMO !		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN:		POSITIF		NEGATIF		NEUTRAL	3D	9/11/2020

Nelayan Indonesia ceroboh perairan negara

UM W/S 30 9/11/2020

BATU PAHAT: Sebuah bot nelayan Indonesia bersama 28 awak-awak yang didapati menceroboh perairan negeri ini diusir dengan serta-merta oleh Agensi Pengawalkuasaan Maritim Malaysia (Maritim Malaysia).

Ini merupakan pengusiran pertama dilakukan Maritim Malaysia Johor setelah arahan penahanan ditangguhkan sementara berikutan langkah pencegahan penularan Covid-19 warga asing.

Pengarah Maritim Negeri Johor, Laksamana Pertama Maritim Nurul Hizam Zakaria berkata, kehadiran bot tersebut dikesan pada kedudukan 14.8 batu nautika barat daya Tan-

jung Labuh.

"Kehadiran bot itu dikesan oleh Bot Benteng Zon Maritim Batu Pahat yang sedang melaksanakan Op Benteng dan Op Jaksa di Sektor 7 perairan Batu Pahat pada pukul 5 petang.

"Bot Benteng Maritim ini kemudian merapat ke arah bot nelayan Indonesia tersebut dan mengarahkan berhenti untuk pemeriksaan.

"Bot berwarna hijau-biru dah bermotor pendaftaran A/711/KP-PS/OOI 132 itu didapati melepas batu nautika garis sempadan perairan Malaysia-Indonesia lalu diiringi serta diusir keluar dari sempadan perairan," katanya dalam satu kenyataan, semalam.



BOT nelayan Indonesia bersama 28 kru yang menceroboh perairan negeri ini diusir dengan serta-merta oleh Maritim Malaysia. -
GAMBAR MARITIM MALAYSIA

JENIS AKHBAR							MUKA SURAT	TARIKH
UTUSAN MALAYSIA	✓	KOSMO !	THE STAR	NANYANG SIANG PAU				
BERITA HARIAN		SINAR HARIAN	THE SUN	ORIENTAL DAILY				
HARIAN METRO		NEW STRAITS TIMES	THE MALAY MAIL	PELBAGAI				
KATEGORI LIPUTAN:	POSITIF		NEGATIF		NEUTRAL		32	9/11/2020

Kerah kudrat siang ikan bilis

LIMA MULIA S 32 9/11/2020

Oleh ROSLIZA MOHAMED

utusannews@mediamulia.com.my

TUMPAT: Sisa kudrat yang ada digunakan wanita warga emas ini bagi mengambil upah menyiang ikan bilis demi mendapatkan sejumlah wang bagi menyara hidup.

Rabiah Jusoh, 70, yang tinggal bersendirian di Kampung Pauh Seratus, Geting, di sini, lebih rela bersusah payah berbuat demikian kerana enggan menyusahkan tiga anak serta menantunya.

"Selagi diberi kesihatan dan kudrat, makcik akan terus mengambil upah menyiang ikan bilis dengan bayaran RM10 sekilogram.

"Kebiasaan makcik akan dapat menyiapkannya dalam masa dua hingga tiga hari," katanya ketika ditemui *Utusan Malaysia* di rumahnya di sini, baru-baru ini.

Terdahulu, Rabiah dikunjungi Pengurus Pertubuhan Amal Kebajikan Cempaka Merah, Che Norhayati Mohamad dan rombongannya yang turut menyampaikan sumbangan bagi merin-

gankan beban wanita itu.

Rabiah dalam pada itu membebartahu, dia mula mengambil upah menyiang ikan bilis sejak tiga tahun lalu selepas tidak lagi mampu keluar rumah kerana faktor usia.

Sebelum ini, dia mengambil upah menyiang dan menjemur ikan.

Rabiah tinggal di rumah usang bersendirian selepas kematian suaminya, Ismail Daud, 12 tahun lalu.

Rumah yang didiami itu tidak mempunyai bilik serta tandas dan jika dia mahu membuat air besar, wanita itu terpaksa ke sungai yang terletak di belakang rumah.

"Rumah yang dibina sendiri ini sekadar untuk berlindung daripada panas dan hujan. Bekalan elektrik dan air disambungkan dari rumah anak, Amri Ismail, 37, yang tinggal berhampiran rumah saya," katanya.

Rabiah memberitahu, dia bersyukur apabila ada pihak yang sudi membantu membaik pulih rumahnya seperti menyediakan papan.



RABIAH Jusoh menunjukkan ikan bilis yang sudah disiang di rumahnya di Kampung Pauh Seratus, Geting, Tumpat. - UTUSAN/ROSLIZA MOHAMED

JENIS AKHBAR

UTUSAN MALAYSIA	KOSMO!	✓ THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN: PO		KOSMO MS 14 9/4/2020		14	9/4/2020

28 nelayan Indonesia diusir dari sempadan

Oleh MOHAMAD FAHD RAHMAT

BATU PAHAT – Tindakan pantas Maritim Malaysia (APMM) berjaya mengagalkan cubaan sebuah bot nelayan Indonesia bersama 28 kru daripada terus menceroboh perairan negara di kedudukan 14.8 batu nautika barat daya Tanjung Labuh di sini kelmarin.

Pengarah APMM Negeri Johor, Laksamana Pertama Maritim Nurul Hizam Zakaria berkata, kehadiran bot tersebut dikesan kira-kira pukul 5 petang oleh Bot Benteng Zon Maritim Batu Pahat yang sedang melaksanakan Ops Benteng dan Ops Jaksa di Sektor 7 perairan Batu Pahat, Johor.

Susulan penahanan itu, APMM telah mengambil tindakan untuk mengusir keluar kesemua kru bot berkenaan.

"Ketika operasi dilakukan, Bot Benteng APMM bertindak meraupat ke arah bot nelayan Indonesia tersebut dan mengarahkan berhenti untuk pemeriksaan.

"Bot berwarna hijau-biru de-

ngan nombor pendaftaran A/711/KP-PS/OOI 132 itu didapati telah melepas satu batu nautika dari pada garis sempadan perairan Malaysia-Indonesia dan telah diiring serta diusir keluar hingga ke sempadan perairan," katanya dalam satu kenyataan.

Menurut Nurul Hizam, ini merupakan pengusiran pertama yang dilakukan APMM Negeri Johor, setelah arahan penahanan ditangguhkan sementara berikut langkah pencegahan penularan Covid-19 oleh warga asing.

Katanya, Maritim Johor juga akan terus komited dalam menggalas tugas dan tanggungjawab walaupun cabaran keadaan cuaca yang tidak menentu terutama pada penghujung tahun ini.

"Penguatkuasaan terhadap bot nelayan asing dan kehadiran pendatang asing tanpa izin (PATI) ke dalam perairan negara akan diperketatkan bagi membanding sebarang penularan pandemik khususnya kepada negeri Johor," katanya.



SEBAHAGIAN nelayan Indonesia yang dikesan menceroboh perairan negara di Tanjung Labuh, Batu Pahat kelmarin.